

حازم شومان

قالوا ان فرملة الفرملة الفجائية مش ممكن! مش ممكن هتقدر توقف انشغال قلبك بالدنيا! وانشغال قلبك بالمعاصي وانشغال قلبك بالشهوات. وانشغال قلبك بالمشاكل بفرملة فجائية. يا اخواننا لازم تفرمل من الوقتى - 00:04:40

اللي مش هيفرمل من دلوقتي ده يا دوبك عما تفرمل توصل رمضان العربية واقفة تقدر تعيش رمضان. ولكن الذين يتوهمون ان رمضان عصى سحرية. الذين يتوهمون ان الخشوع قرار. ان سرار هتتك عليه في دخلة - [00:05:00](#)

رمضان قلبك هيقب من الانشغال بالدنيا للانشغال بالآخرة. الذين يتوهمون ان الخشوع عضلات هتقوم مطلع عضلات الخشوع وتقوم على طول مقلوب بني ادم ثاني اول ما رمضان يبجي هما دول - [00:05:20](#)

اللي كل سنة بيضيع عليهم رمضان. بقى لك كم رمضان مر عليك في حياتك وانت بالغ مكلف. كم رمضان؟ فينا ناس بقى لهم عشر رمضانات وناس بقى لهم عشرين وناس بقى لهم ثلاثين رمضان. هات اللي بقى له خمستاشر رمضان. خمستاشر في ثلاثين يوم يعني ربعمية - [00:05:40](#)

يوم رمضان عدوا عليك. يعني تسعميت فرصة للعتق من النار عدت عليك. ولسه زي ما انت ليه؟ تسعميت دعوة مستجابة عدت تعليق ولسه زي ما انت ليه خمستاشر موسم تغيير عدوا عليك ولسه زي ما انت ليه يبقى يا جماعة احنا مش عارفين نستسمر هزه - [00:06:00](#)

الفرصة العظيمة طوق النجاة اللي ربنا ارسله الينا في هذه الايام اللي لا يعلم حال اهل مصر فيها الا الله سبحانه وتعالى من الازمات من الضغوط المادية والاجتماعية والنفسية والسياسية وطوق نجاة وربنا ارسله لنا - [00:06:20](#)

فهل سنضيع رمضان مثلما نضيعه كل عام؟ يا اخوانا لما النبي عليه الصلاة والسلام يقول من قام رمضان انا لوحدي ثمن غفر له. من قرأ شيل كلمة رمضان دي وخط مكانها من قام. ثلاثين ليلة متصلة مستمرة مع طحش ولا ليلة - [00:06:40](#)

افيهام قيام ليل متواصل قيام ليل ثلاثين ليلة يا رمضان ايماننا واحتسابا غفر له. احنا يا اخوانا بنتكلم ازاى؟ يعني كنت مع بعض اخواني من يومين واحد منهم قال لي انا ما قعدتش جلسة ضحى واحدة من يوم رمضان اللي فات لحد النهاردة. انا انا لم - [00:07:00](#)

فتخيل ان فيه انسان يسكت على دينه للدرجة دي. ان في انسان بقى له سنة ما قامش ليل وساکت ان في انسان بقى له سنة ما ختمش القرآن وساکت. ان في انسان بقى له سنة ما قعدش جلسة ضحى - [00:07:20](#)

ساكت هو فيه ناس يا اخوانا دينها رخيص عندها للدرجة دي. هو فيه ناس يا جماعة دينها هين عند للدرجة دي كلمة كأنها سكية دبحت قلب الواحد. بيقول انا من رمضان اللي فات ما قعدتش جلسة ضحى واحدة. انا اعلم اخوة - [00:07:40](#)

يقدر يعد لك من رمضان اللي فات كم جلسة ضحى راحت منه؟ كم قيام ليل راح منه؟ من قلة ما ذهب من فرص الطاعة. ازاى يا جماعة؟ باي قلب سندخل رمضان؟ باي قلب زي الاخ اللي موهوم انه اول ما هيروح عند الكعبة الدموع هتنهب - [00:08:00](#)

والقلب هيطوف حوالين العرش يروح العمرة يلاقي عنده فطور وما هوش قادر يعبد وما هوش عارف يعمل حاجة هو متوهم ان الكعبة الواحدها بتجيب الخشوع باي قلب ستذهب الى الكعبة. باي قلب ستدخل رمضان. هي دي القضية الاولى - [00:08:20](#)

يا اخوانا باي قلب جاهزين يا جماعة؟ مستعد لرمضان؟ عارف يعني ايه مستعد لرمضان؟ مستعد للحزة فتح ابواب الجنة التمانية. مستعد لستين فرصة من النار فرصة كل يوم وكل ليلة مستعد لستين دعوة مستجابة. النبي عليه الصلاة والسلام يقول من خاف ادلج من خاف ادلج - [00:08:40](#)

انت لو عندك ميعاد في القاهرة الساعة تسعة الصبح بكرة مع ملك من الملوك. تقول اما اطلع ستة الصبح ان شاء الله الحق. عمرك ما هتقول كده ليه؟ تخاف ائمن خاف ابلش اطلع على ابيات عشان توصل بدري تبات هناك تضمن المعاد. خايف على رمضان ولا مش خايف على رمضان؟ خايف على - [00:09:00](#)

ستين دعوة مستجابة ولا مش خايف؟ خايف على ستين فرصة للعتق من النار ولا مش خايف؟ خايف على جنة الريان ولا مش خايف على ابواب الجنة التمانية ولا مش خايف؟ خايف على تنزل الملك كل ليلة تلتين الليل الاخرين. عكس باقي السنة كلها يتناول - [00:09:20](#)

ثلث الليل بس وفي رمضان ثلثي الليل في كل ليلة خايف على الصلة بالله ولا ما انتاش خايف؟ خايف على قل قرب من الله لما انتش

خايف من خاف ابلش يا جماعة. يا اخوانا العوام ببجيوها بكلمة تانية يقول لك القطر ما - 00:09:40

حد لو ما انتاش على المحطة واقف ساعة ما القطر جه القطر مش هيستناك. القطر ما بيستناش حد. ورمضان كان قطار. لو رمضان جه وما نتاش وما نتاش واقف وجاهز ومستعد للاسف الشديد هيروح عليك زي كل سنة الكلمة بتاعة سيدنا كعب - 00:10:00
الكلمة المؤلمة اللي كانت سبب ان غزوة ابوك راحت منه اللي كانت سبب ان اخر غزوة مع النبي ما لحقهاش. اللي كانت ان النبي قاطعه خمسين يوم الكلمة اللي كانت سبب انه فرق بينه وبين زوجته. لما لقي النبي والصحابه طالعين غزوة تبوك. فقال وانا -

00:10:20

اقول اسمع بقى وانا اقول انا قادر على ذلك ان شئت. شف الكلمة اللي ضيعت منه اخر غزوة مع النبي عليه الصلاة والسلام. كل ما يبص لهم كده انا وقت ما احب اخرج اخرج. انا وقت ما احب احصل النبي عليه الصلاة - 00:10:40
انا مريح شوية ولكن وقت ما احب اجاهد اجاهد. وانا اقول انا قادر على ذلك ان شئت كثير مننا ان هو يقول انا وقت ما يبجي

رمضان انا قادر على الصيام ان شئت. انا قادر على التراويح ان شئت. انا قادر - 00:11:00

معنى التهجد ان شئت. ورمضان جاي الليل كله ست ساعات ولا حاجة. يعني يعني اللي مش متعود على قيام الليل عليه العوض عليه العوض في الليالي اللي مش متعود على علو الهممة في العبادة. للاسف الشديد يا اخوانا انا قادر على ذلك ان شئت. لا لا انا مش محتاج

- 00:11:20

انتم ولا حاجة انا قادر ان انا اشد وادوس بنزين واعمل كل حاجة. اخواني في الله كم رمضان ضاع علينا بسبب انك مخدوع في نفسك كم رمضان ضاع عليك بسبب انك مخدوع في نفسك عارف الشيطان لما يجي لك كل ليلة يقول لك عليك ليل طويل فارقد الشيطان يبجي لك الوقت - 00:11:40

يقول لك عليك شهر طويل فارقه. عليك عمر طويل فاركض. كم رمضان ضاع عليك؟ بسبب انا قادر على ذلك ان شئت. يا جماعة الدنيا كلها بتستعد لرمضان. الطريق الدائري في القاهرة بدأت قنوات فضائية تعلق اعلانات الاستعداد لرمضان. وتعلق - 00:12:00
حتى الان اللي تم الاعلان عنه من مسلسلات رمضان اربعة وستين مسلسل في ثلاثين حلقة بالفين حلقة. لحد الوقتي للهو استعداد لرمضان بالفين حلقة مستعدين يوميا اربعة وستين ساعة يعني لا يمكن - 00:12:20

بني ادم يعرف يتفرج على ده اصلا. ده ده التليفزيون المصري بس. ده ده اللي تم الاعلان عنه لحد دلوقت. ده ده فما بالك بباقي الدنيا بقى فيها واكس فاكتور اعلنت نزولها وقرب ايدول اعلنت نزولها وبرامج التوك شو مش هتقف في رمضان. ما هذا يا اخوانا؟ يعني دول كلهم قاعدين يستعدوا - 00:12:40

واحنا قاعدين هنا التجار لما عرفوا قيمة رمضان يقول لك ان مكسب رمضان بمكسب السنة كلها. لما الواحد دور على حركة فاض قبل رمضان الوقتي بين التجار لقيت ان الدنيا مقلوبة ليه؟ لان التاجر بيقول لك ان مكسب رمضان ده بمكسب السنة كلها. لما عرفوا قيمة -

00:13:00

رمضان بالفلوس استعدادوا له من دلوقت. ولكن لما احنا عارفين قيمة رمضان بالجنة للاسف ما بنستعدش ليه؟ ليه؟ يعني لو قابلت دلوقت طالب في تانية سانوي وقلت له انت حجت دروس سانوية عامة قبلي يقول لك انت بتقول لي ايه؟ ده الدروس -

00:13:20

والمقدمات للمدرسين اتدفعت. والطالب اللي لسة ما استعدادش لثلاثة سانوي. هو لسة ما امتحنش لتانية سانوي. يبقى غافل. لو عندنا يوم تسعة وعشرين ستة اللي هو واحد رمضان باذن الله كاس العالم وجه المدير الفني للمنتخب اعلن الان بدء الاستعداد - 00:13:40
هيعلقوه جنب تمسال رمسيس في ميدان رمسيس. هيعلقوا هيقولوا له انت جاي دلوقت. تستعد لكأس العالم كأس العالم اخطر من هذا واكبر من هذا واعظم من هذا. يعني ابليس يستعد لرمضان. يستعد انه يشوف لك اي حاجة يوقعك فيها دلوقت - 00:14:00
اذا كان كل دول بيستعدوا لرمضان والله يا اخواني طالب في خمسة ابتدائي رايح ستة ابتدائي فوجئت انه قبل ما يمتحن لسه اتحجز في الدروس بتاعة السنة الجاية. فبسأل يعني اهله ازاى كده قالوا ازاى؟ ده لازم الاستعداد دلوقت. ده خلاص الدروس -

ابتلاء يا اخواننا وطلاب الفردوس الاعلى يبقفوا يفكروا يقول لك احنا هنتكلم في رمضان من دلوقتي. قال رسول الله صلى الله عليه وسلم ولا يزال قوم يتأخرون حتى يؤخرهم الله. ولا يزال قوم - 00:14:40

تأخرون حتى يؤخرهم الله والعياذ بالله. في ناس بتفضل تتأخر لحد ما خلاص خليك وراء بقى ما دام انت ما انتش عايز تتقدم ما دام انت ما انتاش عايز تسارع الى الله سبحانه وتعالى. كل سنة بيموت على وجه الارض - 00:15:00

فرض ميت مليون بني ادم. يعني كل سانية بيموت اثنين بني ادمين. كل سانية يعني احنا بدأنا الخطبة بقى لنا خمستاشر دقيقة خمستاشر شرط ستين بكام؟ يعني اضرب بقى تلاقي تسعمية. يعني مات على وجه الارض. آآ الف وتمنيت بني ادم من ساعة ما بدأنا. لو ضربتها - 00:15:20

لان كل سنة بيموت على وجه الارض ميت مليون بني ادم. ميت مليون انسان بيموتوا على وجه الارض بكل سنة سبحان الله العظيم. يعني ايه؟ يعني على وجه الارض كل ناس شهدت رمضان - 00:15:40

ميت مليون واحد منهم مش هيشهد رمضان اللي بعده بازن الله واحدة. يعني كل سنة فيه مية مليون واحد شهدوا رمضان مش بيشهدوا رمضان اللي بعده. تضمن مينين ان انت مش منهم؟ وتضمن مينين ان رمضان الجاي ما يبقاش اخر رمضان في حياتك؟ ان بلغناه. تضمن مينين؟ ده كل سنة - 00:16:00

ميت مليون بني ادم. تضمن مينين ان انت مش من الميت مليون بتوع السنة دي. ولا المية مليون بتوع السنة الجاية. مين يضمن عمره يا جماعة؟ تخيلوا لو واحد دخل عليه - 00:16:20

توكتوك قال لها ايه ده! انت لسة قاعدة! انت لسة ما جزتيش! ما حضرتيش الشنط! قالت له الشنط ايه! انت بتقول ايه! احنا رايعين فين رايعين آآ يعني جمصة ولا راس البر ولا مكان ساحلي اتفزع قال لها ده احنا مسافرين السعودية - 00:16:30

قالت له ايه؟ سعودية ايه؟ الكلام ده امتى؟ بعد اسبوع ولا عشر تيام قال لها الطائرة هتطلع بعد خمس ساعات. يا نلحق يا من الحق خمس ساعات رايعين عمرة اسبوع او عشر تيام وراجعين قال لها رايعين عقد عمل عشر سنين مش هنرجع قبل عشر سنين. الراجل - 00:16:50

ده في عرف البشر اجمعين مجنون. راجل مجنون. راجل مجنون ليه؟ لان واحد داخل على زوجته فجأة بيقول لها يلا مسافرين دولة تمانية بعد خمس ساعات هنقعد عشر سنين قبل ما نيجي. الذي لا يستعد للموت اشد جنونا من ذلك الرجل. الذي ليس عند الموت. لان - 00:17:10

ملك الموت لما ييجي مش هيقول لك بعد خمس ساعات. حالا ملك الموت لما ييجي مش هينقلك لدولة تانية. ده هينقلك لعالم تاني. ملك الموت لما ييجي مش هيقول لك عشر سنين وراجع ده رحلة ذهاب بلا عودة للابد خلاص ما عدتش راجع. ما عدش فيه رجوع للدنيا. يبقى الذي لا يستعد للموت - 00:17:30

اشد جنونا من ذلك الرجل. اخواني في الله. يعني يعني جاهزين ولا مش جاهزين احد اخواني؟ ساكن قدام نادي من خد الافراح كده عندنا في المنصورة فبيقول لي سماع صراخ شديد جدا يعني ناس قاعدة صاد بيقول نزل من بيته يجري لقي عروسة في الزفة - 00:17:50

والفرقة حواليتها والفساتين السواريه وكل ما تعرفونه بقى. وواقفة ترقص في وسط الزفة. فجأة وقعت ماتت. وهي ترقص في ليلة فرحتها فجأة وقعت ماتت. هو ايه ازاى؟ ممكن يجي له الموت في اي لحظة باي سبب وبلا سبب. من - 00:18:10

ان لا يستعد لهذه اللحظة يا اخواني في الله. عشان كده من ثمار الاستعداد لرمضان ان انت لو مت قبل رمضان تموت على نية الاستعداد للعبادة فيه فينمى لك عملك كأنك آآ نلت رمضان عندنا اخر من اخواننا مات في شعبان - 00:18:30

يعني اللي فات ده اللي قبله الله يرحمه اخوه جاب لي الورق بتاعه بتاع الاستعداد لرمضان. لقيته عامل جدول لمازا بعد رمضان؟ من ومن قبل رمضان بيخطف بعد رمضان هيعمل جدول عبادة ايه وعامل ورقة آآ منهج الاستعداد لرمضان وقاعد يسمع دروس تفسير

ودروس - 00:18:50

اسماء حسنى ودروس في اصلاح القلوب. كل ده تجهيز لرمضان. قلت سبحان الله العظيم. يعني ان ربنا قابل منه هذا. يعني ما يبقاش في ميزان ورمضان. ده ما يبقاش في ميزانه رغم انه لم يدركه. مات وهو صائم الله يرحمه. مات وهو صائم برضو استعدادا لرمضان.

مات وهو - 00:19:10

صائب رحمه الله تخيل يا اخواني في الله في ناس ايقاظوا يا جماعة في ناس جاهزة يا جماعة. يا اخوانا رمضان دا ميت حاجة كل

حاجة منها كافية انها تغير حياتك - 00:19:30

دعاء رمضان بس كافل ويغير حياتك. تهجد رمضان بس كافي انه يغير حياتك. تراويح رمضان بس كافية انها تغير اعتكاف رمضان

بس كافي انه يغير حياتك. ما بالك ان كل ده اجتمع مع بعضه رمضان واحد بس صح. ممكن - 00:19:40

ممكن يغير كل حاجة في حياتك. بس عايزين نعيشه مرة صح. عايزين نفرمل من قبله المشاكل والشهوات والدنيا والهموم. ونبقى

جهازه بقلبنا. ندخل نعيش صح. نستعد له. كما قرأ قال ابو بكر البلخي رحمه الله. من السلف - 00:20:00

كم شهر البذر؟ قال لك رجب ده انت قاعد تبدر في بثور العبادة. وشعبان شهر السقيا وشعبان تسقي بالعبادة. ورمضان شهر حصاد يا جماعة. رمضان شهر الحصاد. انتم عارفين النبي عليه الصلاة والسلام علمنا الاستعداد في كل حاجة. فكان يقول لنا وانتزار الصلاة بعد

الصلاة - 00:20:20

انك تصلي الظهر وتقعده تعبد ربنا في المسجد لحد العصر. استعدادا لصلاة العصر. يعني العصر كله بيتصلى في تلت ساعة. ومن الظهر

للعصر تلت ساعات يعني يعني واحد ممكن يستعد لعبادة تلت ساعة تلت ساعات يعني عشر اضعاف وقت العبادة. النبي عليه الصلاة -

00:20:40

حسام علمنا كده ان هو ده اللي بيعزم. ده اللي بيعزم محلات بتاعة الشركات بتاعة الورق المناديل الورق من الوقت تلاقيها كاتبة على

العلب رمضان كريم. من الوقت بيستعدوا لرمضان. من الوقت بيستثمروا كلمة رمضان. وكيف غفلنا عن هذا الامر اللي انا - 00:21:00

الواحد خايف والله. خايف لو فضل اهل الباطل يستعدوا لرمضان كل سنة زيادة. زيادة عن اللي قبله ها واهل الحق غافلين ان يبجي

يوم من الايام نقول قبل رمضان يا جماعة اعبدوا ربنا في رمضان. لان عبادة في الهرش كهجرة الي. ما هو اذا كان - 00:21:20

اهل الباطل محولين رمضان لكل الضلال ده. وكل الفساد ده هيبجي يوم يا جماعة لو لم لو لم نقف مع عبادة له مع انفسنا ومع الدعوة

الى الله وقفة صادقة هيبجي يوم هنقول في رمضان عبادة في الهرج. هيبقى رمضان موسم فساد اصلا. هيبقى رمضان ده -

00:21:40

معصية اصلا والعياذ بالله كهجرة الي. فهل سننظر هذا الامر؟ هل سننظر ذلك اليوم؟ رمضان بالنسبة بالنسبة للمفرطين المفرطين

خبطة السنة. وبالنسبة للمقتصددين شحنة السنة. وبالنسبة ايدين حصاد السنة. رمضان بالنسبة للمفرطين خطط السنة. عم اخبط.

يومين في رمضان عبادة. وطول السنة اعمل اللي انت عايزه - 00:22:00

بس المهم تعيط ليلة سبعة وعشرين. وبالنسبة للمقتصددين شحنة السنة. يا عم انا مش عايز اعرف في معاصي سر ولا في علاقات

محرمة ولا في نظر حلال طول السنة اعمل ايه؟ اعبد ربنا في رمضان كويس عشان باقي السنة امشي متزبط بقى. بازن الله ما

انتكسش ولا ابعد عن ربنا. ولكن بالنسبة للمجتهدين - 00:22:30

حصاد السنة. يعني ايه حصاد السنة؟ هو بيقوم الليل طول السنة عشان لما يبجي رمضان يحصد السواب بتاعه. لان في ليلة واحدة

في رمضان بعمرك كله. ليلة القدر خير من الف شهر. يعني خير من ثلاثة وتمانين سنة عبادة متواصلة. يعني اطول من عمرك كله -

00:22:50

ليلة واحدة في رمضان اطول من عمرك كله. وخد بالك انت عمرك لو عشت ستين سنة مش ستين سنة عبادة. ده عشرين سنة منهم

نوم وخمستاشر انا منهم قبل البلوغ واشيل المواصلات واشيل الاتصالات وشيل وشيل هتلاقي اللي يصفى لك في عمرك كله

حوالي عشر سنين لو انت - 00:23:10

واجتهد اجتهاد شديد في العبادة. فربنا مديك ليلة واحدة في رمضان بثلاثة وثمانين سنة. عبادة يعني ما فيش فيها نوم ولا ولا ولا يبقى يا اخوانا متى يعوض هذا؟ ان فات علينا هذا الموسم الخطير. وهذا الموسم العظيم - [00:23:30](#)
يا جماعة عايزين نستيقظ يا اخوانا. عايزين نستيقظ. عايزين ننتبه. عايزين نفوق. عايزين نقوم. عايزين كلمة عمل صح مع دين ربنا سبحانه وتعالى. عايزين نتذكر الاخرة التي نعمل لها. عايزين لو الاخرة دخلت في قلوبنا بجد - [00:23:50](#)
هنعرف يعني ايه رمضان ويعني ايه رجب؟ ويعني ايه شعبان؟ ويعني ايه كل يوم من ايامنا؟ النبي عليه الصلاة والسلام بيقول لك ما من ساعة تمر بابن ادم ساعة. لا يذكر الله - [00:24:10](#)

تعال فيها الا حسر عليها يوم القيامة هيندم عليها يوم القيامة على الساعة. على ساعة عقدية في يوم عالي. امال الساعة في رمضان هتندم عليها قد ايه احنا داخلين على اطول موسم عبادة في السنة كلها. واعظم موسم تغيير في السنة كلها. ما انتاش عايز تتغير. ما انتش عايز. ربنا - [00:24:20](#)

يغير لك حالك كله في حياتك. ما انتش عايز ضمرة ابن جندب رضي الله عنه. لما هاجر ومات في طريق الهجرة ونزل قول الله سبحانه قال ومن يخرج من بيته مهاجرا الى الله ورسوله ثم يدركه الموت فقد وقع اجره على الله. فقد - [00:24:40](#)
وقع اجره على الله. لو انت سعيد في عمل صالح ومت قبل ما يتم. وقع اجرك على الله. لو انت سعيد الى الاستعداد لرمضان ومت قبل ما يتم واقع اجرك على الله عشان كده قاتل المائة لما مات وهو في الطريق للارض الصالحة وقع اجره على الله وقبض -

[00:25:00](#)
روحوا ملائكة الرحمة يبقى عايزين عايزين نفتكر الاخرة اللي احنا بنشتغل لها. الم تسمع قول الله سبحانه وتعالى يا ايها الذين يا ايها الناس اتقوا ربكم ان زلزلة الساعة شيء عظيم. يوم ترونها تذهل كل مرضعة عما - [00:25:20](#)

تقعد ان زلزلة الساعة شيء عظيم. كل دقيقتين كل كل دقيقتين بيحصل زلزال على وجه الكرة الارضية. ولكن في زلازل قوية وفي زلازل ايضا في زلازل زي التسونامي كده يقول لك خريطة الكرة الارضية اترسم هترسم من جديد بعده. وفي زلازل ضعيفة. انما ربنا بيقول لك ان - [00:25:40](#)

زلزلة الساعة كل الكرة الارضية من اولها لآخرها تنزلزل. شيء عظيم. يعني ايه شيء عظيم؟ قال لك ان النبي ادم لما يبجي يوصف حاجة مزهلة فيقول لك ده حاجة مهولة. ده حاجة رهيبة. فلما تلاقي واحد واقف بيقول لك ده حاجة رهيبة. تعرف ان الحاجة اللي بيوصفها فوق - [00:26:00](#)

على الوصف فيقول لك ده شيء عظيم. ده شيء رهيب. قال لك انما ربنا لما يقول شيء عظيم. ليه؟ هو ربنا غير قادر على وصف القيامة هو ربنا غير قادر. ليه ربنا تكلم؟ وقال زلزلة الساعة شيء عظيم. رغم ان ده عند البشر. اسلوب اللي شاف حاجة فوق قدرته على - [00:26:20](#)

فمش عارف بيوصفها. فيجيب لك طريقة تهويلية وخلص. قال لك لا. الله قادر ان يصف القيامة سبحانه وتعالى. ولكن انت اللي غير قادر انك تفهمها. انت اللي ما تقدرش تفهم يعني ايه القيامة. عشان كده ربنا بيقول لك يوم ترونها انا مش هقول لك القيامة دي ايه. انا - [00:26:40](#)

اللي هيشوف القيامة هيحصل له ايه؟ انا هقول لك اللي هيشوف احداث يوم القيامة هيحصل له ايه؟ اول لحظات القيامة يوم ترونها مش يوم يرونها يوم التاء التاه الكل صار هذه اللحظة اوعى تستثني نفسك من هذه اللحظات اوعى تظن ان ربنا بيوصف - [00:27:00](#)

غيرك اوعى تظن ان ربنا بيوصف ناس غيرنا يا جماعة. ده ده الحالة بتاعة بتاعتنا الا من امنه الله. يوم ترونها اذهل المرة الوحيدة اللي جه فيها لفظ السهل في القرآن في هذه الآية. في الفاظ كده لم تذكر في القرآن الا مرة واحدة. زي لفظ السعادة - [00:27:20](#)
ففي الجنة لم تذكر السعادة الا مع الجنة. مرة واحدة بس. زي لفظ التنافس. التنافس مش الفارسا قاعد والكلاسيكو ريال مدريد وبرشلونة بيلعبوا مع بعض ويا ترى مش عارف مين هيكسب ولا مين هيكسب لا لا لا لا - [00:27:40](#)

لفز التنافس لم يذكر الا مرة واحدة في سورة المطففين وفي ذلك فليتنافس المتنافسون. بس على الجنة اومال يا رب بتاعة الدنيا دي بتاعة المطففين. اللي تقلوا كافة الدنيا على كافة الآخرة. للأسف الشديد انما لا يتنافس الا على الآخرة - [00:28:00](#)

الا على الجنة الا على الفردوس الاعلى. فمن الالفاظ التي لم تذكر الا مرة واحدة ولفظ السهول. يوم ترونها تذهل كل مرضعة ابن عم ارضعت تخيل واحدة شائلة ضناها في ايديها وبترضعه. ربنا قال لك تزهزعه. يعني ايه يا جماعة؟ يعني اول لحظات - [00:28:20](#)

القيامة بتنهار اكبر عاطفة بشرية في الحياة. اكبر عاطفة بشرية في الحياة عاطفة الامومة. بتنهار في اول لحظات القيامة. امال باقي العواطف تحصل فيها ايه؟ امال اللي عصى ربنا عشان واحدة يعمل ايه؟ امال اللي كل حرام - [00:28:40](#)

اللي تبرجت عشان زوجها تعمل ايه؟ امال اللي كل حرام عشان مراته يعمل ايه؟ اذا كانت عاطفة الامومة اقوى عاطفة بشرية في الحقيقة بتنهار في اول لحظات القيامة. يعني انا اعرف احد اخواني يعني كان بيغتسل في الحمام بيغتسل. السخان ولع - [00:29:00](#)

الحمام كله ولع نار عليه واخشى عليه في وسط النار. امه دخلت النار خدت ابنها وجرجرتها من جوة النار وطلعت. امه دخلت نار الدنيا عشان تنقز ابنها. دخلت جوة النار. دي هيجي عليها يوم هينطبق عليها - [00:29:20](#)

الله سبحانه وتعالى يود المجرم لو يفتدي من عذاب يومئذ ببنين ببنيه هيجي يوم تتمنى انها ترميه في جهنم. بس هي تنجو منها يبقى جهنم بايه؟ يبقى لما ربنا يقول لك ان المشاهد ديت العواطف البشرية بتنهار عندها - [00:29:40](#)

يبقى اليوم ده ايه؟ يبقى المشاهد دي ايه؟ يبقى الدار الآخرة دي عظيمة قد ايه؟ يا اخوانا هو اللي كل واحد بيحب الهندسة يبقى مهندس؟ هو كل واحد واحد بيحب الطب بقى دكتور. يا اخوانا اللي دفع تمن الهندسة هو اللي هيبقى مهندس. اللي مش كل واحد بيحب الجنة هيدخلها - [00:30:00](#)

مش كل واحد بيحب الجنة يدخلها. اللي دفع تمن الجنة ربنا يرحمنا جميعا. يعني كما قال الشيخ ابن عثيمين رحمه الله عجبنا اخرج ادم من الجنة بمعصية واحدة وهم يعصون الله ليل نهار ويظنون انهم حتما سيدخلونها. احنا مش قادرين - [00:30:20](#)

خطورة اليوم الآخر ليه؟ خمسين سنة بس. وكل الناس اللي حواليك دول هيبقوا دود في دود. هتعيش كم سنة في الدنيا؟ ستين سنة. سبعين سنة الدار الآخرة يوم واحد بس منها خمسين الف سنة. يوم واحد بس منها خمسين الف سنة. فكيف نستعثر بهذه الامور - [00:30:40](#)

وقد قال رسول الله صلى الله عليه وسلم لولا الا تدافنوا لولا الا تدافنوا لدعوت الله ان معكم النبي يقول نفسي تسمعه. نفسي تسمعه. كلكم ودانكم مع اللي بيحصل فوق الارض. كلكم ودانكم مع - [00:31:00](#)

كل الاحداث اللي بتحصل فوق الارض نفسي تسمعو اللي بيحصل تحت الارض. النبي يقول لولا الا تدافنوا لدعوت الله ان يسمعكم من عذاب القبر. النبي يقول لنا ان ما كانش حد هيدفن حد كان نفسي انكم تسمعوا - [00:31:20](#)

او اللي بيحصل تحت التراب ايه؟ كان نفسي تسمعه وانت جاي تعصي ربنا اي معصية اللي تحت التراب بيتعزب على بس المعصية ديت بيتعزب عليها قد ايه؟ كان نفسي تسمعه قبل ما تبص الحرام اللي بص للحرام تحت التراب بيتعزب ازاى؟ قبل ما - [00:31:40](#)

لم نكن حرام تسمع اللي كل حرام تحت التراب بيتعذب ازاى؟ قبل ما واحد يقع في زنا. قبل ما واحد يقع في منكر. قبل ما واحد يقع في قصيدة سر اللي عصى ربنا بهذه المعاصي تحت التراب الوقتي. بيعمل ايه؟ ما كانش اي انسان ساعتها هيقدر ان هو يعصي ربنا - [00:32:00](#)

كما قال النبي صلى الله عليه وسلم لو تعلمون ما اعلم اه لو تعرفوا. اه لو تعرفوا النبي ادمين مشغولين باللي فوق الارض باللي بيحصل في النوادي والملاهي والشركات والمستشفيات والمحاكم والاسواق والمحلات الناس مشغولة باللي بيحصل فوق الارض - [00:32:20](#)

النبي عليه الصلاة والسلام بيقول لهم لو تعلمون ما اعلم. لو تعرفوا اللي بيحصل تحت الارض. لضحكتم قليلا. ولبكيتم كثيرا. الناس كانت مشيت الكورة قاعدة تعيط وما تلذتم بالنساء على الفرش. مش شهوة الحرام هتروح منك. ده شهوة الحلال كانت هتروح كمان منك - [00:32:40](#)

من شدة الهم اللي الناس هتبقى فيه. ولخرجتم الى الصعدات تجهرن الى الله. وكان كل الناس سابت الدنيا والتجار سابوا الدنيا

والملوك سابوا القصور بتاعتهم واصحاب الفلل سابوا الفلل بتاعتهم وكله طلع يجري - 00:33:00

يمكن لحد ما يوصل لصحرا او يوصل لجبل وقعد يصرخ انقذني يا رب. اغثنني يا رب اجرني يا رب. ولخرجتم الى تجارون الى الله.

النبي عليه الصلاة والسلام هو الذي قال هذا الكلام. لولا الا تدافنوا لدعوت الله ان يسمعكم من عذاب القبر - 00:33:20

لو تعلمون ما اعلم لضحكتم قليلا ولبكيتم كثيرا. وما تلذذتم بالنساء على الفرش. ولخرجتم الى الصعودات يشأرون الى الله. النبي

عليه الصلاة والسلام يحذرنا يا اخواني في الله. واقع واقع نحن معرضون له يوم ترونها - 00:33:40

كل مرضعة عما ارضعت تذلل كل مرضعة. يعني في الدنيا ممكن لما يبجي مصيبة واحدة اعصابها ضعيفة تقع تنهار وواحدة اصابة

قوية تتجلد. يوم القيامة ما فيش حد هيتجلى. ما فيش حد حاجة فوق قدرة احتمال اي انسان على التعمد. في عبارة - 00:34:00

في عبارة السلام تمانية وتسعين لما السفينة ولعت والناس بتغرق يعني يا اما هيتحرق يا اما هيغرق ما بين الغرق والحرق. يعني فكان

فيه اب وام ومعهم طفل صغن وبنت بنوثة صغنن اصغر منه. وما عهمش غير طوق نجاة واحد - 00:34:20

اللي عرفوا ياخدوه والسفينة بتغرق جابوا ابنهم حطوه في طوق النجاة وجابوا بنتهم حطوها جنبه وقعدوا يوصوا ابنهم ها ان اللي

يفضل محافظ على اخته لحد ما حد يبجي ينقزهم. وهم يعلمون ان دقيقة واحدة بس. وهم الاتنين يا هيبقوا اتحرقوا يا هيبقوا

غيرهم - 00:34:40

ربنا يرحمهم جميعا يا رب. يعني لما حصلت المصيبة دي ضحوا بحياتهم عشان اولادهم. ايه اللي خلي الاب والام دول نفسهم يوم

القيامة يتمنوا انهم يشيلوا ولادهم يرموهم في جهنم بس هم ينجوا - 00:35:00

يبقى يوم القيامة ده ايه؟ يبقى الدار الآخرة دي ايه؟ يبقى اللي احنا بنعمله ده استعداد حقيقي للدار الآخرة؟ ولا عاملين زي الطالب؟

اللي قاعد ليلة عن دكتوراة ولا حاجة قاعد يبص في الورقة وبعد كده يقعد يتفرج على التلفيزيون ساعتين وبعد كده يبص دقيقتين

ويتفرج ساعتين فابوه داخل عليه بيقول له يا ابني زاكرا يا ابني قال - 00:35:20

انا بزاكر اهو يا ابني اللي انت بتعمله ده مش المذاكرة بتاعة الامتحان اللي انت داخله ده. اللي انت بتعمله ده لا يتناسب مع خطورة

الامتحان اللي انت داخله ترونها تذهل كل مرضعة عما ارضها. كله مرضعة. قال لك ان في اللغة المرأة التي - 00:35:40

الطفل لا تسمى مرضعة. امال تسمى ايه؟ مرضع مرضع. قال لك مرضع ليه؟ مش فيه تاء تأنيس. لما يكون الموضوع وصف لامرأة قال

لك لاه ده تاء التأنيس بتيجي لما يكون نفس العمل ده ينفع يعمله الرجل وينفع يعمله الست. فيقوموا يضيفوا تاء التأنيس للست -

00:36:00

عشان يميزوها. يعني يقول لك ايه فلان ذاهب. انما فلانة ذاهبة. فقال لك ذاهبة دي تاتأنيس ليه؟ قال لك لان ممكن اللي يروح رجل او

ست فعشان يميزوا ان اللي عمل دي ست يحطوا ثلاث تأنيس. قال لك انما ما فيش راجل بيرضع. ما فيش غير الست هي اللي بترضع.

فاذا اللفز المرضع - 00:36:20

لا يأتي معه تاء التأنيس في اللغة. انما اسمها مرضع فلانة مرضع. ليه؟ لان مش محتاج اقول تاء تأنيس لان ما فيش راجل بيرضى.

قال لك امال ربنا فقال ليه تذلل كل مرضعة؟ قال لك لان المقصد هنا ليست امرأة في سن الرضاعة. وليست امرأة عندها طفل يرضع -

00:36:40

ده المقصد هنا امرأة ضناها على ايديها في حضنها وملتقي بشديها بفمه حالا اهو يعني اكثر لحزة لطفل ملتصق بصدر امه وبحنان امه

في هذه اللحظة تذهل كل عم ارضع الترم ابن عم ارضعت ما عادتش دارية ده حنة خشبة ولا ده بني ادم ولا ده ايه! ما حدش حد

داري. بعد كده لما الموضوع يزيد يوم القيامة واه - 00:37:00

تذهل كل مرضعة عما ارضعت وتضع كل ذات حمل حملها. وتضع كل ذات حمل حملها. متخيل يعني يعني كل يوم بيحمل على وجه

الارض ربع مليون امرأة. كل يوم في ربع مليون امرأة بيحملوا على وجه الارض. يبقى اذا في كم حامل على وجه الارض - 00:37:30

دلوقتي في كم واحدة حامل ها اضرب بقى ربع مليون في ثلاثين يوم في تسع شهور. يعني هتلاقي كم واحدة حوالي سبعين مليون

واحدة حد. يبقى على وجه الارض دلوقتي حوالي سبعين مليون واحدة حامل. كل يوم بيحمل ربع مليون وتولد ربع مليون تقريبا

يعني. ارقام يعني ايه - 00:37:50

يعني يعني تقريبيه يعني. ربع مليون امرأة. ها لانك انت عندك كل سانية بيتولد ثلاثة وبيموت اثنين. المهم لو حسبتها هتلاقىها بهذا الحساب ربع مليون امرأة بيحملوا كل يوم. يعني اذا الان على وجه الارض سبعين مليون حامل. متخيل سبعين مليون سقطة في هذه اللحظة. سبعين مليون - 00:38:10

بس ربنا ما قالش وتضعوا النساء حملها. ده قال تضعوا كل ذات حمل. الحيتان كل كائن حامل كل كائن حامل كل حيوان حامل في الكل هيسهر. يعني الفزع فوق البشر وفوق جميع الكائنات. وتضع كل ذات حمل حملها - 00:38:30
وبعد كده لما الموضوع يزيد اكثر وترى الناس سكارى. تزهل كل مرضعة ما ارضعت العواطف اضررت. تضع كل ذات حمل فالجسم نفسه اتضرب الانقباضات عملت سقافة وترى الناس سكارى العقل اتضرب في النهاية عقل الانسان طاف. وترى - 00:38:50
سكارى الناس ماشية زي المحمورين. الناس ماشية بتترنح. الناس ماشية غير واعية. وما هم بسكارى ولكن عذاب الله الشديد. هو فين العذاب ده يا جماعة؟ ده لسه جهنم ما جتش. ده لسه ما فيش حد اتعزب اصلا. مجرد رؤية احوال القيامة - 00:39:10
تقول اية عذاب امال اللي هيتعذب يوم القيامة امال اللي هيكرمها في النار والعياذ بالله اذا كان ده رد فعل البني ادمين ده ده في الاول بس زي ما ربنا يقول لك كده القارة - 00:39:30

ما القارة؟ وما ادراك ما القارة! ربنا بيقول للنبي! بيقول لمحمد بن عبدالله مش بيقول لي وبيقول لك بيقول لمحمد بن عبدالله وما ادراك! اي ان يوم فما فوق مستوى الادراك حتى للانبياء انفسهم. ما فيش حد مدرك يوم القيامة ديت هيبقى شكلها ايه؟ وما ادراك ما القارة - 00:39:40

طب وبعدين طب نعرف ايه؟ انا مش هقول لك هي وصفها ايه؟ انا هاقول لك هتعمل في الناس ايه. ها يوم يكون يوم يكون الناس كالفراش المبتوث وتكون الجبال كالعين المنفوش. انا هجيب لك الانسان المكلف هيبقى شكله ايه ساعتها وهجيب لك امتن مخلوق على وجه الارض اللي هو الجبال هيبقى شكله - 00:40:00
وانت قيس بقى يا ترى يوم القيامة ده هيبقى شكله ايه؟ يا ترى يوم القيامة ده هيبقى حاله ايه؟ يبقى لما الانسان يعظم اليوم الاخر اخر يا جماعة مش هيجي الوقت يقول لك هو ايه رمضان؟ واحنا الوقتي لسة في رجب احنا بنتكلم يا عم لما بتوع الكورة عرفوا قيمة الكورة ها - 00:40:20

قتلوا نفسهم في الاستعداد لها. لما بتوع الفلوس عرفوا قيمة الفلوس قتلوا نفسهم في الاستعداد لرمضان فيها. لما بتوع الفن قتلوا نفسهم في استعداد لرمضان مدينة الانتاج الاعلامي زي خلية النحل الان. استعدادا لتصوير الحاجات بتاعة رمضان. استعداد لرمضان. اشمعنى - 00:40:40

الشیطان ما بينامش الوقت استعدادا لرمضان. عشان يوقعك في مغرس قبل رمضان. الدنيا كلها بتستعد لرمضان الا انت. الدنيا كلها يا اخوانا ده احنا المفروض الوقت ما نمش الليل من مسكة المصحف وختمه القرآن - 00:41:00

هذا والصيام عشان الاستعداد لرمضان. عشان رمضان مرة بقى نعيشه صح. رمضان مرة بقى يبجي احنا جاهزين رمضان مرة بقى يجي واحنا مستعدين كل سنة بيضيع رمضان لانه بييجي وانت مش مستعد - 00:41:20

ليه؟ لانه بييجي وانت بتحسبه عصاية سحرية. اول ما يبجي الدموع اللي ما نزلش منها ولا دمة طول السنة هتهنم من عينيك اكتبوا عصايا سحرية. اول ما يبجي المصحف اللي ما اتفتحش من رمضان اللي فات هيتختم خمس ست مرات. بتحسبه عصاية سحرية. اول ما يبجي - 00:41:40

الصلاة اللي تلت تربعها سرحانين في الدنيا مش عارفين نفرمل هتخشع فيها كل سنة يضيع علينا رمضان لان احنا مش قادرين نفهم ان التعب والمجاهدة مش في رمضان التعب والمجاهدة قبل رمضان. رمضان اغلى من انك تجاهد - 00:42:00

رمضان اغلى من ان يوم يروح في النشاط ويوم يروح في الفتور. الكلام دلوقتي. اتعب وجاه دلوقتي. اما تيجي تشوف العربية بتاعتك وتكشف عليها قبل رمضان هتفاجئ ان الفرامل بايزة ها ما انت بتيجي تدخل الصلاة المفروض عايز تفرمل بقى. كفاية دنيا يا

قلبك - 00:42:20

كفاية تفكير في الدنيا. تقوم داخلها تلاقي الفرامل بايضة مفوتة. ما بتفرملش. القلب شغال في الدنيا زي المروحة دي كده. لو اتكيت على الكوبس بتاعها دلوقتي مش هتقف. قدامها دقيقة ولا حاجة. بالزبط كده. انت لما تتك على كبس مروحة الدنيا - 00:42:40 الوقت في رجب يا دوبك هتقف على اول رمضان. تدخل رمضان والدنيا بجد مفرملة في قلبك. انما هتتك عليها في اول رمضان ان شاء الله على اخر رمضان اما يكون رمضان بيودع تبدأ الدنيا بقى تهدي في قلبك. يا جماعة دي قضية عقلية. عقليا. اي انسان عاقل

يجب ان - 00:43:00

افهم هذا ويجب ان يدرك هذا. هتصوم ستاشر ساعة في الصيف ده ازاي؟ وانت ما انتش متعود على الصيام. وكم ان مطلوب منك تقرا القرآن يعني جزء طير من النهار ازاي؟ وبعد كده مطلوب منك تروح تراويح الليل كله ست سبع ساعات. يعني لو بعد التراويح حطيت راسك كده بمعجزة هتصحى على السحور - 00:43:20

قبل الفجر طب انا عايز اقوم الليل طب اعمل ايه؟ يا ابني استعد لدلوقتي. كل اللي انت عايز تعمله في رمضان اعملهم دلوقتي. ركز في حاجة دلوقتي. اجتهد دلوقتي عظم قضية رمضان من دلوقتي. ارم اساس في رجب وشعبان تعلق عليه في رمضان. انما الاخ اللي بيقول لي من رمضان اللي فات - 00:43:40

ما قعدتش ولا جلسة ضحى. ما هو نفس الاخ ده اللي كان معنا في اعتكاف السنة اللي فاتت. بيقعد كل يوم جلسة الضحى. الله! او مال ايه! يا عم هو ما عندوش اساس قبل رمضان - 00:44:00

اصلا ده رمضان اللي فات بالنسبة له زي واحد بنى عمارة فوق التراب ده انا ما لهاش اساس. فاول ما جه شوية هوا في شوال طيارتهم عشان ايه ده! لو انا سألتكم الوقتي مين اللي قام الليل ليلة واحد شوال اللي فات؟ ممكن تلاقي ثلاثة اربعة فينا اللي قاموا الليل. الله! ده احنا لسه خارجين من اعتكاف - 00:44:10

كاف ولكن بنعلي من غير اساس. ارمي اساس الوقت. اعمل قيام ليل ولو نص ساعة دلوقتي. اتعود على الصيام ولو يوم يومين في دلوقتي اتعود على القرآن. انت في رمضان المفروض تقرا قرآن ثلاث اربع ساعات ورا بعض مسلا بالنهار. وكذلك بالليل. اتعود من دلوقتي. اتعود - 00:44:30

من الآن يا اخواني يعني هذه امور يفتح الله على من جاهد نفسه فيها. ويفتح الله على من غذى السير الى الله فيها والا يعني هتفاجأ في رمضان بصدمات هتؤلمك وهتوجعك ويضيع رمضان زي ما - 00:44:50

قال قبلكم رمضان ضاع علينا بسبب ان احنا لا نستعد له. قدامكم الفرصة اهي احنا النهاردة لسه ثلاثة رجب يا اخوانا. النهاردة لسه في الاول اهو لسه في اول شهر البذر كلمة ابو بكر البلخي رجب شهر البذر وشعبان شهر السقيا ورمضان شهر الحصاد - 00:45:10 تقعد تحصد بقى ثواب مهول ليل نهار في رمضان. ولكن لو انت من دلوقتي اجتهدت في هذا الامر. اسأل الله سبحانه وتعالى ان يبلغنا رمضان وان اجعلنا فيه من من الفائزين وان يمتعنا بعبادته ليلا ونهارا. انه ولي ذلك والقادر - 00:45:30

الحمد لله فكفى وصلاة وسلاما على عباده الذين اصطفى. اما بعد جاهز لرمضان. مين فينا جاهز لرمضان يا جماعة؟ مين فينا مستعد مين فينا مستعد من اول النهارده يبدأ الاستعداد الحقيقي. مين فينا قرأ سورة الكهف النهاردة؟ ها؟ مين فينا يا اخوانا - 00:45:50 نفسه يجاهد في فلسطين ويستشهد في فلسطين. يرفع ايده كده. اللي نفسه يموت في في الجهاد في سبيل الله في فلسطين. ما شاء الله لا قوة الا بالله. دول بس - 00:46:20

اللي نفسه يجاهد في فلسطين ويستشهد في فلسطين. طب اللي رفعوا ايديهم دول كم واحد فيهم الشهر اللي فات ما راحش عليه ولا مرة صلاة الفجر. يكمل ارفع ايديك كده اللي ما راحش عليه ولا مرة صلاة الفجر. اذا كنت ما انتش عارف تجاهد البطانية هتجاهد اليهود هتجاهد ستاشر - 00:46:30

والقنابل الذرية اذا كنت مش عارف تجاهد البطانية هتجاهد ازاي يا اخوانا؟ اذا كان اول يعني اول خطوات الدين عايزين نراجع نفسنا الشهرين دول احنا وانا حاجات كتير اوي. محتاجين ان احنا نراجع نفسنا فيها. من الحاجات اللي انت محتاج تراجع نفسك فيها.

حالك ايه مع اخوانك؟ قبل رمضان - 00:46:50

حالك ايه مع اخوانك؟ حالك ايه في بيئة الايمان؟ بتحضر دروس ايمانية ولا لا؟ متصل باخوانك وبتعبدوا ربنا مع بعض ولا لا حالتك ايه؟ اسمع الى تلك الاية المربعة التي ترعبنا جميعا في قول الله سبحانه وتعالى ومن الناس من - 00:47:10

اعبدوا الله. الله! الكلمة دي حلوة ولا وحشة؟ ها؟ حلوة ولا وحشة؟ جميلة صح؟ ومن الناس من يعبد الله يعني بيعبد وكم ان يعبد ده مضارع مستمر. يعني الراجل ده بيقتد جلسة ضحى كل يوم. الاخ ده آآ بيصوم - 00:47:30

يوم اتنين وخميس سابت. الاخ ده ممكن له ورد القرآن او ورد قيام ليل سابت. ومن الناس من ايه؟ يعبد الله مضارع مستمر الله! بس فيه كلمة جت بعدها بقى قلبت الدنيا. ومن الناس من يعبد الله على حار. يعني ايه على - 00:47:50

حرف قال الشيخ مخلوف في تفسيره وابن عاشور في تفسيره قال الحرف اي طرف الجيش يعني ايه طرف الجيش؟ قال لك واحد خايف يدخل جوة الجيش فيقوم واقف على الطرف. قال لك لو الجيش انتصر انا معكم يا رجالة. طب لو الجيش اتهمز يخلع -

00:48:10

يعرف يخلع يعرف يهرب. فقال لك ده حد منكم عارف الاخ اللي انا باتكلم عنه ده. حد منكم عارف الباشا اللي انا باتكلم عنه ده ده حضرتك حضرتك يعني عشان بس ما تبصش لحد جنبك ده ده فضيلتك. ها يعبد الله ملتزم ولكن - 00:48:30

على حرف مش عايز يدخل جوة بيت الايمان. مش عايز يعيش دين بحق وحقيقي. هو ممكن يكون صلى الفجر النهاردة في مسجد كده لوحده مش عايز يصلي مع اخوانه في المسجد اللي بيصلوا فيه. مش عايز يحضر الدروس الايمانية المستمرة - 00:48:50

العلمية والوعظية والتربوية مش عايز يشتغل في الدعوة مع اخوانه عايز يفضل لوحده كده ومغزول عزل نفسه بعيد عن بيئة الايمان بعيد عن اخوانه وشيوخه ومن الناس من يعبد الله على حرف فان اصابه خير اطمأن به مش اطمئن - 00:49:10

بالله اطمأن بالخير. دي مصيبة كتير مننا ان هو معلق شغله في الدين على ان الدنيا بتاعته تستقر. ما يقدرش فكر في العبادة الا لما الدنيا بتاعته تبقى مستقرة ومنظمة. لو عنده مرض. لو عنده مشكلة مع جوزها - 00:49:30

لو عنده مشكلة في بيته. لو عنده مشكلة في شغله ما يقدرش يفكر في الدين. ما يقدرش يفكر في الدعوة. ما يقدرش فكر في العبادة ما يقدرش يفكر في اصلاح قلبه. لازم الدنيا تنزبط عشان يهدى نفسيا ويبدأ يفكر في الدين. يا للمصيبة - 00:49:50

اللي بيعمل كده ليس بينه وبين الانهيار الا شعرة. اللي اللي ما يقدرش يفكر في دينه الا لما دنيته تستقر ارضى في مصيبة ده في مصيبة بينه وبين النفاق شعرة والعياذ بالله. اللي لازم الامتحانات تخلص وينجح - 00:50:10

وما يقاش مريض وما عندوش مشاكل دنيوية وما هوش في ازمان اقتصادية والوضع السياسي في البلد مستقر وما عندوش مشاكل اجتماعية مع اصحابه ابو ولا مع اهله ولا مراته ولا اخواته ولا اللي مستني ان الكلام ده يتحل. ده بينه وبين النفاق شعرة -

00:50:30

فان اصابه خير خلاص بقى الدنيا اتظبطت اطمأن الحمد لله نشوف دينا بقى. بس اطمئنا ايه؟ به بالخير مش بالله يا يا للمصيبة يا جماعة! يا للمصيبة! لو احنا معزما كان من النوع ده. فيه ناس يا اخوانا - 00:50:50

قال اقسام بالله ما يقدرش يفكر في الدنيا الا لو دينهم استقر. العكس ما يقدر يفكر في اخطر مشاكل دنيته. لو عنده سرطان ما يقدرش يفكر فيه. الا لما عبادته تستقر ما - 00:51:10

ما تقدرش مش قادر. ورب يعزده فانه يرى ما لا صبر له عليه. من شدة لقضية رضا الله والدار الآخرة ما يقدرش يفكر في الدنيا مهما كانت خطيرة ومهمة الا لما دينه يستقر - 00:51:30

وفي ناس ما تقدرش تفكر في الدين. يا عم رمضان مين يا عم! انت مش شايف زروف البلد ومشاكلنا فان اصابه خير النبي وان اصابته فتنة ها انقلب انقلاب. يقول لك الاخ فلان انتكس - 00:51:50

حببي انت فكرك انه انتكس النهاردة؟ يا ابني ده بقى له ثلاث سنين بينتكس، انت اللي بس بتقيسها على حلقة الدفن. انت اللي بس بتقيسها على مقياس يعني يا ابني ده ده من زمان وان اصابته فتنة ان قال انقلاب مش ممكن - 00:52:10

لكن ده فلان مش ممكن دي فلانة. لأ ممكن. وان ليه؟ لانه كان عازل نفسه عن اخوانه. عازل نفسه عن بيئة الايمان بيبعد لوحده.

بيشتغل في الدعوة لوحده. بيطلب علم لوحده. الله! انت بتتكلم عن بطل. قادر يمشي لوحده - [00:52:30](#)

لا بطل ولا حاجة. ده ده في لحظة ينتكس لانه لوحده ما هوش وسط اخوانه. ما هوش وسط بيئة الايمان. ما هوش وسط الايمان لو

وانت لوحذك في لحزة وان اصابته فتنة انقلب على وجهه. طب ليه ربنا ما قلش - [00:52:50](#)

انقلب على عقبه على وجه ايه؟ لان الراجل ده اصلا كانت وجهته هي الدنيا اصلا مش الدين. ده هو داخل الدين بظهره. عارف اللي

داخل من باب الظهر ها هو ببص على برة اصلا هو وسطنا قاعد بينا دلوقتي في الجامع قاعدة تسمعنا الوقتي في الجامع وقلها -

[00:53:10](#)

القبلة بتاعته الدنيا. انقلب على وجهه خسر الدنيا والاخرة. يا نهار ابيض يا اخواني قارن ما بين اول الاية واخر الاية. اول الاية ومن

الناس من ايه؟ يعبد الله. واخر الاية - [00:53:30](#)

خسروا الدنيا والاخرة. فيه انسان ممكن يتحول من ده لدف بسبب على حرف بسبب انها عازلة نفسها عن الصحبة الصالحة. بسبب انه

عازل نفسه عن بيئة الايمان. قبل رمضان لو عايز بجد تتغير حط - [00:53:50](#)

نفسك في بيت الايمان حط نفسك في جو صحبة الايمان. حط نفسك في جو الصحبة الصالحة. الموضوع خطير يا اخواني. الموضوع

عظيم يا جماعة بيئة الايمان هي اول حاجة اتصالنا ببعض في جو ايماني ده اول حاجة. عشان كده ربنا قال لسيدنا ابراهيم وطهر

بيتي للطائفين والقائمين والركع السجود - [00:54:10](#)

طهر بيتي. اعمل بيئة ايمان طاهرة للقائمين. هم فين القائمين دول يا رب؟ ده ولا واحد لسه. فين يا رب العاكفين دول يا رب؟ ده لو

واحد رزق. فين يا رب - [00:54:30](#)

ركع السجود ده الدنيا كلها على الشرك يا رب. ما لكش دعوة. اعمل بيئة الايمان الطاهرة الاول عند الكعبة. الاية اللي بعدها. واذن في

الناس بالحج. انزل بقى فهت الناس. انزل هات الناس بعد ما عملت به اهتمام طاهرة. عشان كده اول حاجة ابراهيم عملها عمل به

ايمان. اول حاجة سيدنا محمد عملها دار - [00:54:40](#)

ارقم بيت امام انك تدخل يا ابني تلاقي حياة يا ابني. الدين مش درس بيتحضر. الدين مش خطبة بتتسمع. الدين حياة! يا جماعة!

الدين انك تعيش دين مية تمانية وستين ساعة في الاسبوع. لما تتفسح تتفسح مع الصحبة الصالحة. لما تحل مشاكلك - [00:55:00](#)

حل مشاكلك في بيئة ايمانية. لما تحب تعبد تلاقي اعوان. لما تحب تقوم الليل تلاقي حد يصحيك. لما تحب انك انت تعيش دي مش

ساعة في الاسبوع تحضر فيها درس وخلص. تعيش دين عايزين نعيش في البيئة الايمانية. اخواني واحبابي في الله. جاهزين

لرمضان - [00:55:20](#)

جاهزين بالصحبة الصالحة؟ جاهزين بالبيع الايمانية؟ انا بابص لاخواني كده وانا من فوق المنبر الوقتي يعني انتم عارفين بعض يا

جماعة انت ملتحي صح؟ مش دي لحية برضو؟ حضرتك ملتحي صح؟ اسمه ايه الاخ ده؟ يا سيدي ايه يا عم - [00:55:40](#)

طب نجرب في حنة تانية. كل واحد يا جماعة بس يبص يمين وشمال. عارفين بعض يا جماعة؟ مصاحبين بعض يا جماعة. مصاحبين

بعض مش في الكلام في العبادة. الناس اللي قاعدة في الجامع دي عارفة بعض يا اخواننا متصلة ببعض للتثبيت الايماني ولا كلنا -

[00:56:00](#)

نعبد الله على حرف. الاخوات اللي في مسجد النساء عارفة اللي جنبك وعلى يمينك وعلى شمالك. لو وقفت اخ الوقت وقلت له

الدروس الايه الايمانية اللي في السويس. انت عارفها الدروس العلمية عارفها. هتعرف هتعرف بقية الايمان اللي موجودة. ايه اللي

بيحصل فيها ولا لأ - [00:56:20](#)

اخواني في الله القضية خطيرة. دي قضية ان في دين او ما فيش دين. قضية انت عندك دين ولا ما عندكش دين؟ النبي عليه الصلاة

والسلام بيقول لك نضر الله امرئاً. نضر الله امرئاً. سمع مقالتي فوعاها ثم اداها. ثم اداها - [00:56:40](#)

خلف الدعوة الى الله. انت شغال في الدعوة لربنا. انت شغالة في الدعوة الى الله. شغال في الدعوة الى الله في ارض الله في

مملكة مالك الناس عن الله ولا ما يتكلمش؟ المحلات التجارية ما انتشرتش غير لما الناس اتكلمت عنها. المطاعم ما انتشرتش -

00:57:00

غير لما ناس اتكلمت عنها الناس بتتكلم ليل نهار في اي حاجة الا عند ربنا. الدعوة الى الله يا شرفك لو ربنا استعمل لسانك في الكلام النبي عليه الصلاة والسلام بيقول لك نضر الله نضر ده قال لك زى تعرف فى وجوههم نضرة النعيم. قال لك ان ان نظرة النعيم الاغنيا

00:57:30 - اللی یفطروا -

ويتغدوا كافيار ويتعشوا ها تلاقي وشهم مورد كده ونظرة النعيم في وشهم فقال لك يعني ايه نضر الله؟ قال لك يعني اللي هيشغل في الدعوة ربنا هيعيشه في نعيم في الدنيا قبل الآخرة. ربنا هيحل له مشاكله في الدنيا قبل الآخرة. ربنا هيرفعه. ربنا هيقدمه -

00:57:50

ربنا هينعمه. ربنا هيتمتعه. ربنا هيصلح باله. ربنا هيسعد قلبه. ربنا هيسعد ربنا هيرزقه. ربنا هيديه. ربنا هيمد نزر الله. نضر الله. امرئاً

سمع مقاتلى فوعاها. ها لو على قد السامع بس دول اليهود عارفين بس ما بيأدوش - 00:58:10

ثم اداها ادي قال لك دي الامانة اللي يجي معه لفر ادي. قال لك كأن العلم ده امانة. انت بتتكلم عن ربنا ولا ما بتتكلمش عن ربنا؟ دي

امانة الدعوة الى الله امانة في رقبتنا. والنبي قال لك ثم ادها ثم ديت ها يقول لك ثم تقييد الانتقال الرتب - 00:58:40

واحد في رتبة وارتفع لرتبة ثانية. يعنى انت لما اشتغلت في الدعوة اترفعت عند ربنا رتبة ثانية. الحديث ده متواتر يا جماعة

الحاديس المتواترة قليلة. مش زي الحاديس الصحيحة. متواتر ده يعنى اللي زي القرآن كده. اللي يقينا النبي عليه الصلاة والسلام

قاله. الحديث المتوتر قليلا. الحديث ده - 00:59:00

نضر الله امرئ سمع مقالتي فوعاها ثم اداها كما سمعها. ان النبي عليه الصلاة والسلام يقول لك يا بخته اللي هيشغل في الدعوة الى

الله شغالين فى الدعوة الى الله. كم واحد فى المسجد قام الليل امبارح؟ كم واحد فى المسجد قعد جلسة الضحى النهاردة يا اخوان؟

کم واحد یا اخواننا - 00:59:20

في المسجد محافظ على عبادته. كم واحد في المسجد شغال في الدعوة الى الله؟ لازم نقف هذه الوقفات مع انفسنا قبل رمضان بازن

اللّٰهُ سُبْحَانَهُ وَتَعَالَى رَبُّنَا سُبْحَانَهُ وَتَعَالَى يَعْنِي يَفْتَحْ عَلَيْنَا وَيَفْتَحْ عَلَي قُلُوبِنَا وَيَلْغِنَا رَمَضَانَ. اَللّٰهُمَّ بَلِّغْنَا رَمَضَانَ - 00:59:40

واجعلنا فيه من الفائزين. اللهم بلغنا ليلة القدر. واجعلنا فيها من الفائزين. اللهم الطف قلوبنا. اللهم اصلح قلوبنا. اللهم طهر قلوبنا. اللهم

املاً قلوبنا من نورك يا نور السماوات والارض. اللهم اعمر قلوبنا بما عمرت به قلوب الصالحين. اللهم املاً - 01:00:00

بما ملأت به صدور الصديقين: اللهم استعملنا ولا تستبدلنا. اللهم استعملنا ولا تستبدلنا. اللهم استعملنا ولا تستبدلنا. اللهم لا تستبدلنا. اللهم لا تستبدلنا.

تتولى عنا. اللهم اكرمنا ولا تهنا. واعطنا ولا تحرمنا. اللهم زدنا ولا - 01:00:20

خصنا اللهم اثرنا ولا تؤثر علينا. اللهم اهدنا ويسر الهدى اليها. اللهم ارضنا وارض عنا. رب اجعلنا لك امين لك قوامين لك ذكاريين لك

شكاريں. اللهم اعنا على ذكرك وحسن عبادتك يا رب. لا نهلك وانت رجاؤنا. ولا نضيع وانت مولانا. ولا نضل وانت هادينا. يا رب -

01:00:40

اللهم انقذ قلوبنا يا رب. اللهم اغثنا يا رب. اللهم الف بين قلوبنا على اتقى قلب رجل منا يا ارحم ارحم الراحمين. اللهم اعنا على

طاعتك. اللهم ارزقنا حسن الاستعداد لرمضان. وارزقنا حسن العبادة في رمضان. واقمنا على - 01:01:10

اعوذ بك منا الى ان نلقاك يا رب العالمين. يا رب الف بين قلوبنا يا رب. ارزقنا الصحة الصالحة يا رب. ارزقنا الصحة الصالحة يا رب

ارزقنا قيام الليل وشرفنا بقيام الليل يا رب العالمين. اللهم فرج كرب مصر يا رب العالمين. اللهم الف بين قلوب المصريين على -

01:01:30

طاعتك وابتغاء مرضاتك. ربی انا مغلوبون فانتصر. ربی انا مغلوبون فانتصر. ربی انا مغلوبون فانتصر. ربی انا مغلوبون فانتصر.

انا مغلوبون فانتصر ربى انا مغلوبون فانتصر ربى انا مغلوبون فانتصر ربى اللهم اشف صدور قوم مؤمنين. اللهم اشف صدور قوم

مؤمنين. اللهم اشف صدور قومك - 01:01:50

منين ؟ اللهم انصر دينك واعز اوليائك. اللهم اذن لدينك ان يسود، واذن لشرعك ان ينتصر، واذن كتابك ان يحكم ورد اهل مصر الى دينك ردا جميلا برحمتك يا ارحم الراحمين. سبحانك اللهم وبحمدك - [01:02:20](#)

اشهد ان لا اله الا انت استغفرك واتوب اليك - [01:02:40](#)